

詐醉臥吐

王允之總角從伯敦夜飲允之辭醉先臥敦與錢鳳謀逆允之悉聞其言慮疑已便大吐鳳出敦果照視見臥吐中以為大醉允之還以敦謀白父舒與王導俱啓明帝

晉

誤謝惠羊

有人謝惠羊者曰損惠蹲鴟蓋平日誤讀芋為羊也

誤認伯偕

張伯偕陳國人伯偕與弟仲偕貌相類仲妻新

妝畢見伯偕問曰妝好否荅曰我伯偕也妻趨避須臾又見以為仲偕告之曰向大誤認伯偕為卿荅曰我固伯偕也

風俗通

不識伯淳

范祖禹與陳瑩中論顏子不二過惟程伯淳能之時瑩中不識伯淳乃作責沈文以自責

不識東坡

東坡云得罪以來深自閉塞扁舟草屨放浪山水間漁樵雜處往往為醉人所罵辱輒自喜漸不為人所識平生親友無一字見及書與之亦

不荅自幸庶幾免矣

回李增敏書

不識司馬

劉綜欲候司馬徽先使左右問其存亡徽方鈕園左右問馬君所徽曰我是徽頭面醜陋左右罵之曰何等田奴而稱徽須臾刷頭飾服而出左右叩頭謝之

別傳

妻不識夫

豫讓漆身為癩吞炭為啞行乞於市其妻不識也其友識之

史

僧識使者

陶侃家僮千餘人嘗得胡奴不喜言常默坐侃一日出郊奴執鞭隨胡僧見而驚禮云此海山使者也侃異之至夜失所在

弟不識兄

夏馥被誣詔捕之乃變形剪鬚為治家傭弟靜遇馥不識聞其言聲乃拜之

曾識半面

後應奉字世叔詣袁賀賀時出閉門造車匠開扇出半面視奉後數十年於路見車匠而呼之

史

誤授人官

後魏孝文以李彪爲散騎常侍旣而曰朕誤授人官然自應有讓彪啓云伯石辭卿子產所惡臣欲之已久不敢辭讓史

誤擢登第

唐鄭熏之典文衡也誤認顏標以爲顏管公之後擢冠多士時人爲之語曰主司頭腦太冬烘錯認顏標作管公又古詞誤認陶潛作阮郎亦此意也

錯食蟊螟

蔡謨初渡江見蟊螟曰蟹有八足加以二者烹之旣食吐下方知非蟹謝尚曰卿讀爾雅不熟幾爲勤學誤死

誤酌以醯

唐李景略燕僚佐行酒誤以醯進判官任迪簡以李性嚴強飲而不敢言順宗記

誤觸響板

蔡確貶新州侍兒名琵琶公每扣響板有鸚鵡能言輒傳呼其名及琵琶卒後誤觸響板鸚鵡輒傳呼不已公悒不樂詩云鸚鵡言猶在琵琶

事已非傷心瘴江水同渡不同歸

誤食毛髮

唐甄立言善醫有道人心腹滿煩彌二歲診曰
誤食髮矣令餌雄黃一劑吐一蛇無目燒之有
髮氣

誤墨成蠅

曹不興畫屏風誤墨點汗因作成蠅孫權謂是
真蠅彈之

妄認生犢

晉王延牛生犢人認之延與之後知妄認犢還

延不復取也與晉宋冲事同

謬認亡馬

後漢卓茂嘗出行有人認亡馬茂知其謬解與
之他日馬主別得亡者詣府送馬叩頭謝之

史

妄認車牛

劉寬出行有人失牛者乃於路就寬車中認之
寬無所言下駕步歸有頃認者得牛而還叩首
謝寬曰物有相類事有脫誤何謝之有

誤持曲禮

後魏祖瑩年十二爲中書學生時博士張天尤

講尚書生徒悉集瑩誤持曲禮乃置禮於前誦
尚書二篇不遺一字史

謬丞爲郎

何禎爲許都賦帝詔爲祕書丞主者謬以爲郎
月餘禎關事上曰吾用爲丞何故爲郎按主者
罪遂爲丞文士傳

誑爲浮屠

宋朝俞澹字清老曉音律荆公喜之一日見公
云吾欲爲浮屠無錢買祠部公欣然爲買祠部
約日祝髮過期寂無耗公問其然澹徐曰吾思

僧亦不易爲祠部已送酒家還債矣公大笑

誤爲通印

閩中莆田有通應祠俗誤以爲通印荆公亦云
通印子魚猶帶骨豈有所稽耶唐史

詐市人馬

後魏高謙之爲河陰令有以囊盛瓦礫指作錢
物詐市人馬者逃去謙之乃僞枷一囚立於馬
市密察市中有二人忻然曰無復憂矣執問之
悉獲其黨史

誑認壻牛

甲佳黃史

隋張允濟爲武陽令元武民以牴牛依婦家孳
十餘犢及將歸而婦家不與牛民許縣縣不能
決乃詣允濟允濟因縛民家其首過婦家云捕
盜牛者令盡出牛質所從來婦家遽曰此壻家
牛卽撤蒙曰可以牛還壻婦家叩頭伏罪元武
吏大慙

裴子雲斷李進牛還其甥王進事亦同

誤告奪資

後孫奮富而性吝梁冀遺之馬乘從貸錢五千
萬奮以三千萬與之冀大怒誤告奮死於獄悉

沒其資財億七十餘萬

史

詐漢王車

項羽圍漢王急將軍紀信請誑楚詐乘漢王車
黃屋左纛曰食盡漢王降楚楚皆稱萬歲之城
東觀以故漢王與數十騎出西門遁去羽燒殺
信

誤中副車

張良爲韓報仇始皇東游至陽武博浪沙中良
令力士爲鐵椎百二十斤狙擊始皇誤中副車
始皇驚求弗得令天下大索十日

佯待楚使

項王使使至漢陳平使爲太牢具舉進見楚使
卽佯驚曰吾以爲亞父使乃項王使復持去更
以惡草具進楚使歸具以報項王果大疑亞父
不聽所言亞父疽發背死

僞望昭陵

葬文德皇后於昭陵帝念后不已墓中作層觀
以望昭陵嘗引魏徵同登使視之徵熟視之曰
臣昏眊不能見上指示之徵曰臣以爲陛下望
獻陵高祖陵也若昭陵則臣固見之矣上泣爲

之毀觀

證本傳

詭言餉鮓

齊王瑩與謝超宗交惡瑩父茂詣超宗設麇肥
精白鮓美鮓茂問那此佳味超宗詭言瑩見餉
茂大怒上言供養不足坐免郡

史

誤擘假榴

名妓有從良者嘗召入值夜宴時飾假榴厠釘
核妓誤捉其一將擘之左右盧胡妓知其哂已
也少頃復引取之左右曰此不可食懷之何益
妓曰榴房多子外人獲之將以爲宜男之瑞也

由是左右競取之盤飴爲之一空

誤持人金

漢直不疑爲郎有同舍郎誤持同舍郎金去同舍郎意不疑不疑買金償之後同舍歸金亡金郎大慙本

誤持人袴

陳重舉孝廉爲郎同舍郎告歸寧者誤持隣袴去主疑重所取不自申說重市袴償之後寧者以袴還主其事乃顯漢史

誤鳴進鼓

晉桓溫伐蜀蜀參軍戰沒衆懼欲退鼓吏乃誤鳴進鼓蜀衆大潰李勢遂降史

詭荅兵仗

宋顧琛爲庫部郎時伐魏大敗委棄兵仗武庫爲空帝宴會有歸化人在坐帝問庫中仗有幾許琛詭辭荅有十萬人仗帝初悔失問後甚善琛對史

詐得疾

五代唐王勣立以宰相判三司願解三司稱疾明宗曰人固有詐疾而得疾者出爲平盧節度

不辨牝牡

伯樂薦九方臯於秦繆公穆公使求馬三月而反報曰已得之在沙丘牝而黃往視之牡而麗公不悅召伯樂曰牝牡物色不能知何馬之能知也伯樂曰臯之所相天機也得其精而忘其麤取其內而忘其外馬至果天下良馬

列子

不辨雌雄

詩云具曰余聖誰知烏之雌雄蓋烏質黑而羣處難辨也

隱語類

曹碑八字

蔡邕題曹娥碑八字曰黃絹幼婦外孫蓋白楊修曰黃絹色絲也絕字幼婦少女也妙字外孫女子也好字蓋白受辛也辭字蓋隱語也是謂絕妙好辭四字

孤館四字

唐州押衙崔慶成抵皇華驛夜見美人擲書云川中狗百姓眼馬撲兒御厨飯慶成不對後丁晉公見之曰川中狗蜀犬也百姓眼民目也馬

博異志
撲兒瓜子也御厨飯官食也乃獨眠孤館四字

招飲八字

有遺書招客飲者曰板戶公堂斫脚露喪其人
荅云班犬良賦趨龜飢肚古今詩格注云板戶
木門閑字公堂官舍館字斫脚斬足斲字露喪
尸出屈字謂閑館斲屈也班犬文苟敬字良賦
尚田當字趨龜走上赴字飢肚欠食飲字謂敬
當赴飲也

雷書四字

雷擊一販糶者措其尸于柳下白而書之其文
六口三八若是人莫能識須臾黑雲籠樹震聲
復作觀其書更添一長畫直貫於中乃知米中
半水四字也

門題活字

楊修爲魏武主簿創第作門擬於相國魏武題
門作活字修卽毀之曰門中活是爲闕字嫌門
大也

門題鳳字

嵇康與呂安善後來值康不在子嵇喜延之不

入安題門上鳳字而去喜以爲欣不覺譏其爲凡鳥也

辨巴酉字

裴晉公征吳元濟發地得石刻云雞未肥酒未熟解者曰雞未肥無肉也肥去肉爲巴酒未熟無水也酒去水爲酉破賊在巴酉乎果然

宣空志

題絲絡字

張昌儀恃易之之寵而奢溢有題其門曰一鈎絲能得幾日絡昌儀書其下云一日卽足無何禍及

嘉語

市呼布字

呂布謀誅董卓有人書呂字於布上負而行歌於市曰布乎布乎後布起兵斬卓

史

呼八人字

翟乾曜天師大呼於夔州市曰今夕有八人過可善待之是夕遺火焚數百家方悟八人乃火字也

雜俎

避馬涼字

黃冠以符術呪桃木言休咎有士子扣之曰來歲春科詔興賢敢問甲魁荅云馬涼及榜動乃

馮京也士復扣之乃曰天榜未動機不敢泄故以馮點移置京旁寔避之也

書點檢字

五代周世宗一日在文書中拾得一木簡上書云點檢作天子此時張末德任點檢世宗遂換去末德教趙匡胤代替後竟受禪是爲宋太祖皇帝

改貨泉字

王莽造錯刀契刀大錢等貨既篡位以劉字卯金刀也乃禁剛卯金刀之利不得行罷錯刀契刀五銖錢等更作寶貨曰貨布貨泉人以其字白水真人時劉秀竟從白水起

改廣明字

唐僖宗改元廣明元年相字者曰有一人自厓下出來姓黃氏左足踏日右足踏月自此天下被擾去也是年黃巢果入長安

詩謎子

半烟半雨溪橋外間杏間桃山館中解得離人無限意千絲萬緒惹春風時謂之柳謎子也但存心裏正毋愁眼下遲若人輕着力便是轉身

時磨詩也喚起窻前曙催歸日未西無心花裏
鳥更與盡情啼同遊詩也凡類是者尚多皆詩
之隱體也茲復有含物而隱言者語雖鄙諺亦
可以資閑中一笑遂錄一二贅于字書之末

書註

大的不會說小的小的尋常說大的若還要大
的意仔細還的問小的

字點

寒則重重疊疊熱則四散分流村裏不見在村
裏市頭不見在市頭

蛛網

上不在天下不在田中心藏之玄之又玄

箸謎

行則同行止則同止搬口弄舌死而後已

棹跋

我本無名因汝有名汝有不平吾爲汝平

布瑕

身居色界中不染色界塵一朝解纏縛見性始

分明

敗弓

爭帝圖王勢已傾無把八千兵散楚歌聲無弦
烏江不是無船渡無稍恥向東吳再起兵無面

藥名

草鋪橫野六七里遠志笛弄晚風三四聲羌活
歸來飽飯黃昏後杜仲不脫蓑衣臥月明草果

曆本

外頭黃裏頭白兩頭冷中間熱看時有節摸時
無節

井謎

東頭對西頭南頭對北頭頭頭對頭頭四十八

箇頭

習字

後魏孝文帝會羣臣飲酣帝舉卮曰三三橫兩
兩縱誰能辨之賜金鍾越城王勰對曰是習字

伽藍記

占算類

占鼎云舟

孔子使子貢往外未來謂弟子兆之遇鼎皆言
鼎無足不來顏子掩口而笑曰無足者乘舟而
來賜至矣詰朝子貢至

長安賣卜

司馬季主楚人賣卜於長安市宋忠賈誼謂之曰何居之卑行之污季主捧腹而大笑

成都賣卜

前嚴君平卜筮於成都少城纔閱數人得百錢足自養則閉肆下簾而授老子今有支機石存焉

錢塘醉臥

何中正初及第聞郭從周精卜求占從周贈詩云三字來時月正圓一麾從此出秦關錢塘春

色濃如酒貪醉花間臥不還後以八月十五日改知制誥出秦州改杭州卒

翰苑名談

合膏封簡

風角者觀四隅之風而占之也後段翳善風角占有一生從學辭歸翳為之合膏封簡書有急發之生至葭萌爭渡吏撾破從者頭生開封曰到葭萌與吏鬪破頭者以此膏裹之生乃還卒其業又張子信亦善風角占

書版索金

晉隗炤善易臨終書版遺妻子曰後五年有詔

使來姓龔負吾金以版上書之至期妻賣版請
使者使者惘然乃取蓍筮卦成曰妙哉隗生吾
不負金賢夫藏金待大平知吾善易爾金有五
百斤盛以青甕埋在堂屋下去壁一丈入地九
尺掘之得金 備要

市鷓得奴

唐杜生善易有亡奴者生曰見進鷓使者可市
其一卽得奴矣果遇使者得一鷓忽亡飛集灌
莽上取之獲奴 史

負粟求卜

後魏顏惡來妙於易遊市觀卜有婦人負囊粟
來卜凡七人皆不能中而強索其粟惡來尤之
卜者曰君能卜何不爲卜之顏因筮之曰登高
臨下水洞洞惟聞人聲不見形婦人曰姪身已
七月矣昨汲井忽聞胎聲顏曰十月三十日生
一男子卜者驚服 史

占五色雀

崔信明五月五日中生有異雀數頭身形甚小
五色備集于庭樹鳴聲清亮太史占之曰五月
爲火火爲離離爲文彩日中文之盛也雀有文

采此兒必文采聲名播天下雀形既小祿位殆不高矣及長博學強記下筆成章而官果不達

雀銜三鮎

後楊震字伯起嘗客居於湖有雀銜三鮎魚飛集講堂前取魚進曰蛇鮎者卿大夫服之象也數三者法三台也先生自此升矣後果居台輔

庭樹鵲鬪

北齊張子信善風角奚永終同子信坐鵲鳴庭樹鬪而墮子信曰有口舌事勅喚亦不可往是夜瑯琊王五使召辭之詰朝難作史

坐壞竹牀

至和二年成都費孝先遊青城詣老人村坐壞其竹牀孝先欲償其直老人曰子視其下書云某年月日造某年月日爲費孝先所壞孝先因師事之名聞天下仇池筆記

嵩真術算

嵩真善算術真自算年七十三正月二十五日晡時死及終乃至二十四日晡時死妻曰見真多下一算慮別有旨果差一日有遺恨矣西京雜記

和璞心算

邢和璞善心算房琯求算終身之事和璞曰公之病起於魚餐其木材用龜茲之板後皆悉驗
雜錄

發椽着瓦

魏管輅爲人卜盜鹿曰是汝東巷第三家也可取一瓦子密發其屋東第七椽着瓦其上其夜盜父病頭痛亦來卜輅爲發之盜具服輅令擔皮肉還故處病自差密教鹿主舉椽棄瓦
史

視塚得牛

魏管輅鄰婦失牛輅卜之令視諸丘塚果得牛

史

失馬作膾

隋楊醜善易有失馬者來卜醜曰向西布第三店爲我買魚作膾便當得馬矣其人如教須臾一人牽所失馬至擒之
史

筮易得姓

陸羽不知所生有僧得之水濱自筮得蹇之漸曰鴻漸于陸其羽可用爲儀吉乃姓陸名羽字鴻漸

筭算食物

甲佳黃栗

七

趙達過知故交云乏兼味達取盤中隻筋再縱橫之乃言卿東壁下有美酒一斛鹿肉三斤何以爲無

吳史

箸算困米

曹元理善算陳廣漢曰有東西二困米煩算之曹以食箸十數轉云若干不失圭合西困差三升乃有大鼠可容一升

西京雜志

巧發其中

前李少君善爲巧發奇中坐中有九十餘老人少君言與其大父游射處老人兒時從其大父

識其處一坐盡驚

覆射類

射篋中棗

上林獻棗漢武以杖擊殿檻呼方朔叱叱朔朔來來此篋中何物朔曰上林之棗四十九枚上曰何以知之曰呼朔者上也以杖擊檻者兩木也朔來朔來者棗也叱叱者四十九也

上大笑外傳

射袖中橘

有以故曆裏柑者懷諸袖命善射者射之射者

曰太歲當頭立諸神不敢當其中有一物常帶
洞庭香開視之果橘也

射盃中蜴

上置守宮盃下令東方朔別布卦對曰臣以爲
龍又無角以爲蛇又有足是非守宮乎果蜥蜴
也方朔傳

射匣中鼠

袁客師天綱子也唐高祖置一鼠匣中令射之
師曰鼠也入則一出則四發視之鼠果生三子
矣

射金甌

玄宗將命相先書名置案上舉金甌覆之謂太
子曰此宰相名也能知其誰乎射中賜卮酒肅
宗曰是非崔琳盧從愿歟上曰然

占剝啄聲

康節夜聞扣門聲先一後五命子占之子曰先
一乾數也後五巽數也乾金巽木金短木長其
借鋤手先生曰夜借鋤無所施必借金爲折薪
用也問之果然

射十三物

管輅覆射十三物先說雞子後道蠶蛹其十三物一一次第射之無不中者

探繭中官

歲時記人日京師貴家造探官繭於餽中置帑簽或削木書官品人自採取以上異時官品得失高下

增修埤雅廣要卷第三十六

增修埤雅廣要卷第三十七

氣化門

天化類

天雨粟

蒼頡造書而天雨粟鬼夜哭字學云書契作詐偽生去本就末天知人將餓故雨粟鬼恐爲文所劾故哭

天雨穀

漢宣帝時江淮飢饉天雨穀三日

述異記

天雨寶

管輅覆射十三物先說雞子後道蠶蛹其十三物一一次第射之無不中者

探繭中官

歲時記人日京師貴家造探官繭於餉中置帑簽或削木書官品人自採取以上異時官品得失高下

增修埤雅廣要卷第三十六

增修埤雅廣要卷第三十七

氣化門

天化類

天雨粟

蒼頡造書而天雨粟鬼夜哭字學云書契作詐偽生去本就末天知人將餓故雨粟鬼恐爲文所劾故哭

天雨穀

漢宣帝時江淮飢饉天雨穀三日

述異記

天雨寶

梁大同中大雨殿前下雜色寶珠

天雨珠

使天而雨珠寒者不得以為禱喜雨亭記兜率天雨

摩尼寶珠護世珠美膳瑣言

天雨碧

碧石之青美者也從玉石白聲紀年惠成王七年天雨碧于鄭

天雨錢

黃尋大雨天飛錢至其家無數因致富幽冥錄

天雨金

翁仲孺渭川人家貧一日天雨金十斛於其家

富等王侯孝子傳

天雨酒

隋盧思道賀表云神漿可挹流珠九戶之前天酒自零凝照三塔之下東方朔神異經西北海外有人長二千里兩脚中間相去一千里腹圍一千八里俱曰飲天酒五斗張華注云天酒甘露也

天雨花

天女以天花散諸菩薩即皆墮落至大弟子便

地雅屬要卷三十一
着不墮天女曰結習未盡故花着身結習盡者
花不着身 維摩詰經

天雨虹

漢上官桀謀廢昭帝迎立燕王令羣臣皆裝是
時天雨虹下屬宮中飲井井水竭

天雨沙

拾遺記平沙千里色如金細如粉風吹起則如
霧亦曰金霧亦有雨如塵沙之沙者災祥之不
同也

天雨毛

毛者血之餘也天雨之如馬鬣亦兵象也人有
得鳧毛長三丈張華曰此海鳧毛也出則天下

亂博物志

天降龍

孔甲既即位好鬼神之事不務修德諸侯多叛
時天降乘龍有雌雄孔甲不能食而未獲豢龍
氏陶唐氏既衰其后有劉累學擾龍于豢龍氏
事孔甲能飲食之夏后嘉之賜氏曰御龍以更
豕韋之後龍一雌死潛醢以食夏后夏后享之
既而使求之累懼而遷于魯縣

天投霓
後五行志靈帝時有黑氣墮北宮溫明殿東庭中黑如車蓋騰起奮迅千餘丈蔡邕曰所謂天投霓也

天隕石

左氏隕石于宋五星也秦隕石于東郡或刻之曰始皇死而地分使御史逐問莫服盡誅石旁居人燔其石又廬山東有星墜水化爲石當彭蠡灣號落星灣

天雨血

元統二年春正月庚寅朔雨血于汴梁着衣皆赤

雹雨金

歷代紀石遵襲位忽震雷雨雹如斗金石皆銷漢成帝河平二年四月楚國雨雹大如釜飛鳥皆死帝王世紀夷王七年冬雨雹大如礪前漢文帝時雨雹如梅李景帝末初三年河西大雨雹如栝椹大者或如斗殺畜類折樹木成帝時雹亦如釜又如金武帝元封中雨雹如馬首晉穆帝末和中雨雹如孟升有元雨雹其狀有小

兒環玦獅象龜卵之形

雷收麥

介休縣人宿祠中夜聞扣門云介休王借霹靂車收麥其年果損麥

日暈虹

侯鯖錄先儒以為雲薄漏日日照雨滴則虹生今以水噴日側視之則暈為虹蜺詳天日類

虹貫日

荆軻刺秦王白虹貫日聶政刺韓傀白虹貫日兵象也史

月暈角

後魏晁崇為太史令天興五年月暈左角崇云角蟲將死是歲天下牛羊麋鹿死者十七八

雷如虺

雷州春夏多雷秋日則伏地中其狀如虺人多取而食之國史補

虹吸酒

韋臯鎮蜀虹垂首於筵吸酒旬日拜中書

雨工

唐柳毅過洞庭女子牧羊毅曰牧羊何所用神

世補廣要卷三十一
祇豈宰殺乎女曰非羊也雨工也乃雷霆之類
也視之甚異異聞實錄

雨水龜

紹興八年汴京雨水龜大小俱首足卦文

辛酸霧

後主禎明三年元日大霧四塞入人口鼻氣皆
辛酸陳書

虹化金

搜神記孔子修春秋製孝經無成孔子齋戒向
北斗而拜告備于天有赤虹見自上而下化爲

黃金有刻文孔子受而跪讀之

雪化銀

耿先生明道術保太中召入宮自稱北大先生
以雪削如銀定投熾火中卽爲銀異人錄

星化類

星犯昴

唐丙申星犯昴韋見素曰昴者胡也星犯之不
祥明年甲寅當應乎詳後彗化類

星聚井

後魏高允曰漢元年十月五星聚東井者誤按

星傳金水二星常附日而行冬十月日旦在其
尾二星何因背日崔浩曰考究之當以前三月
聚東并非十月也史

星聚奎

趙宋太祖乾德五年三月五星聚奎自此天下
文明星如連珠在降婁之次初竇儀曾於周顯
德中嘗謂楊微之等曰丁卯歲五星聚于奎自
此天下太平矣

星聚里

陳大丘詣荀朗陵無僕役使子元方將車季方

持杖長文尚少載着後車既至荀使叔慈應文
慈明行酒餘六龍下食文若亦小坐着膝前其
夜德星聚太史奏五百里內賢人聚

星犯座

嚴光與光武同宿光足加帝腹明日太史奏客
星犯帝座太急帝曰朕與故人嚴子陵共臥爾
星入斗

熒惑入南斗梁帝曰熒惑入南斗天子下殿走
乃跣下殿襪之及聞魏主修出奔慙曰虜亦應
天象耶史

星化僧

李淳風奏北斗當化爲人明日至西京飲酒使候之乃七僧共飲二石太宗召之僧曰此是李淳風小兒饒舌也忽不見

國史纂異

星化女

姚生爲唐御史有一子二甥於條山結屋讀書一日有寶馬數百一夫人與三女至年皆十七八以配三子謂曰但百日不泄令君長生位極人臣三子皆昏頑爲憂夫人召孔宣父示以六籍周尚父示以兵法三子得才兼文武家僮

以告姚召三子神氣秀麗占對閑雅問之苦不言鞭之具告一碩儒曰吾見織女婺女須女三星無光必此降福三子遣歸夫人復與三子別飲以湯昏頑如故

星化肉

漢主聰淫泆無度嘗建螽斯則百堂求生百子堂災燒殺其子二十一人血雨於東宮時有星隕平陽化爲肉徑二十八步羣臣諫以淫色所致聰曰自是天家事於朕何干

星化豕

有里嫗素敬一行其子以罪繫獄將刑求救於
一行行以數推之當有赦遣其徒以布囊於某
處廢園伺之有物來其數七共捕以囊盛之獲
七豕一行置大甕中密覆呪封以梵字太史奏
北斗不見召師問之曰莫若大赦從之星復見
酉陽雜俎

星化石

元史冬十月有星如火從東南流芒尾如曳篲
墮地有聲火焰蓬勃久之乃息化為石青黑光
瑩形如狗頭命藏于庫

星化井

天文志司星奏曰三台星墜于蜀化為三井遣
使人驗之撞麗譙鐘聲為度而汲之各使人候
于井遂汲一而兩動

星化槐

春秋說題槐木者虛星之精也元命包曰樹槐
而聽訟其下注槐之言歸也情見歸實也今訟
所多列槐也

星墜營

諸葛亮之伐魏也進軍渭南病篤有大星赤而

芒墜亮營中未幾亮卒司馬懿案行其營壘歎
曰天下奇材也

精化蒲

典樹堯時天降精於庭爲旌感百陰爲昌蒲神
仙傳漢武帝至嵩高遇仙人長二丈耳下垂肩
帝禮而問之曰吾九疑山人聞中岳石上有昌
蒲一寸九節食之可以長生故來採之帝曰彼
非欲服食以喻朕耳

嵩化人

宋元豐末嘗有物大如席夜見寢殿上至大觀

間漸晝見政和以來大作每得人語聲則出先
若列屋摧倒之聲其形屢丈餘彷彿如電金眼
行動硜硜有聲兵刃皆不能施或變人形亦或
爲驢晝夜出無時習以爲常人亦不大怖時洛
陽府畿內忽有物如人或蹲踞如犬其色正黑
不辨眉目始夜則掠小兒食後雖白晝入人家
爲患所至喧然不安謂之黑漢二年乃息云

孽化胡

唐安祿山營州雜胡也姓康氏母爲巫禱于阿
摩山神而生火光發氈帳百鳥皆鳴自是孽現

于天父死隨母再適安氏改名安祿山張守述
爲節度使得之使討契丹敗執送京師帝愛其
才而赦之後請爲貴妃兒出入宮掖醜聞于外
遂反自稱大燕皇帝起兵一年目漸昏不能視
物又病疽子慶緒遣李猪兒夜聽其腹腸血流
數斗而死是夜彗星落

熒守心

宋景公者熒惑嘗以其時守心心時之分野公
憂之司星子韋曰可移於相公曰相吾之股肱
曰可移於民公曰君者待民曰可移於歲公曰
歲肌民困吾誰爲君子韋曰天高聽卑君有君
人之言三宜有動候之果徙二度

熒在瓠

後魏太史奏熒惑在匏瓜星中忽失所在崔浩
曰庚午辛未重陰也失熒惑庚與未主秦辛爲
西夷今姚興據咸陽是熒惑入秦矣後熒惑果
出東井明年姚興死三年國滅

火化烏

武王東觀兵至于盟津渡河中流白魚躍入王
舟中武王俯取以祭既渡有火自上復于下至

于王屋流爲烏其色赤其聲魄

槎犯斗

博物志云天河與海通有人居海上每年八月見浮槎往來不違時賚一糧而去奄至一所屋宇巖邃宮中一織婦一丈夫飲牛驚問何由至此告其故因問何處曰君至蜀訪嚴君平則知之後訪君平曰此日客星犯牛斗今成都有支機石

六帖

酒化雨

欒巴飲酒西南嘆之曰臣本縣成都今失火故

嘆酒爲雨以滅火驛書馳問云月日雨東北來皆酒氣又後郭憲向東北舍酒三嘆救齊國失火晉佛圖澄嘆酒向幽州救火三事同並見史

增修埤雅廣要卷第三十八

氣化門

地化類

泉化醴

地出醴泉禮運王者政平醴泉湧出

泉化酒

酒泉郡城下有金泉味如酒

漢地理

泉化乳

南劔州天階山乳泉服之登山嶺如飛

寰宇記

酒



臺灣國家圖書館, NATIONAL CENTRAL LIBRARY, TAIWAN, R.O.C.

增修埤雅廣要卷第三十八

氣化門

地化類

泉化醴

地出醴泉禮運王者政平醴泉湧出

泉化酒

酒泉郡城下有金泉味如酒

漢地理

泉化乳

南劔州天階山乳泉服之登山嶺如飛

寰宇記

酒



臺灣國家圖書館, NATIONAL CENTRAL LIBRARY, TAIWAN, R.O.C.

常德 下五里地名河湫有崔婆者賣茶
爲活遇有僧道過必施與之一道人往來凡十
餘次崔婆與茶無厭道人曰我欲使汝改業賣
酒如何崔婆喜道人以杖拄地清水迸出崔婆
取之以歸味如酒濃而香買者如市若他人汲
之則常品水也崔大享其利道人重來崔婆謝
之云只恨無糟養猪道人怒其貪以杖拄泉則
無復酒味矣其井至今尚存

石出髓

嵇康遇王烈共入山烈見石裂得髓食之因携

少許與康已成青石擊之瑤瑤再往視之斷山
復合仙經云神仙五百年一開石髓出服之與
天齊壽

石流血

三齊略記始皇作石橋欲過海看日出處有神
人驅石下海石不速去神輒鞭之石皆流血

石點頭

僧生公講經於虎丘寺人無信者乃聚石爲徒
與談至理石皆點頭

石有言

晉有石言晉侯問師曠對曰石不能言或憑焉
抑聞作事不時小民怨讟則有非言之物而言
左昭四年又晉劉曜時有石言於陝若言勿東也

石共語

庾信至北方惟愛溫子昇韓山寺碑曰惟此片
石堪共語餘皆驢鳴犬吠爾

石化虎

李廣夜見草中石以爲虎射之沒羽視之石也
復射終不能入矣

石化玉

石化玉卽設義漿種石子成玉事詳見苑傳

石化羊

神仙傳黃初平年十五牧羊有道士將至金華
山其兄初起覓道士求弟旣見問羊何在初平
曰羊近山東初起曰不見初平叱之羊起皆白
石耳

陸沉刹

大隋者成都古天彭之西嶺名刹昔神照大師
瀕大宗乘燒蛇于此時有一白蛇纏錫不就焚
師曰做這箇形骸猶不肯捨乃於七佛數後字

錫爲井井上立廟名曰白龍君國朝正統十二年歲在戊辰六月二日井水忽自湧出須臾大至樓殿震動僧方擊鼓號鍾以警有衆見其勢不可遏遂攀岩緣木奔騰四走及回視之前後樓殿周環廡宇悉皆陷沒惟溷廁在山側不與泯焉

地陷座

桓玄篡二年九月冊命玄爲相國總百揆封十郡爲楚王加九錫十二月玄卽皇帝位玄入建康宮登御坐而牀忽陷羣臣失色殷仲文曰將

由聖德深厚地不能載玄大悅辛亥玄遷帝於尋陽

地產毛

元運之將終也地產白毛如銀線

地湧山

新豐有山從地湧出武后解易名曰慶山縣俞文俊上書曰天氣不和寒暑併人氣不和贅疣生地氣不和埴阜出

地降山

郊邑曠有牧地一夕風雨暴至黎明有山充例

其處居氓往芻蕘焉忽見一仙姝謂曰我青女神也奉帝命血食此方歸語爾宰宜以山至之日祠我言訖而噤

岸爲洲

殷仲堪晉人見岸其夕有人負

也水岸爲洲君

冥行錄

葬焉旬日門前溝忽起爲伯玄云感君之惠無以報州矣果任荊州都督軍事

宋張興世初生門前水中忽起洲及爲方伯洲至十餘頃史

海變田

麻姑謂王方平曰見東海三變爲桑田向到蓬萊水淺於往者略半也東海行復揚塵乎神仙傳

水漂山

史成紀山一夕大水漂流六十里居氓宅墓往焉又中山靖王傳曰衆煦漂山煦之爲言烝也温潤之也

神移山

太行王屋二山高萬仞愚公九十面山居惡而將移之山神懼告帝帝命夸娥氏二子負山一

措朔東一措雍南

愚公曰我死有子子又生孫而山不加增何苦

而不平 列湯問

靈擘山

王涯太華仙掌辨云昔河自積石出於西流既越龍門遂弭南馳者千數百里折波左旋將走東溟連山寨之壅不得去有巨靈於此力擘而剖其中踞而北者為首陽絕而南者為太華自此泄其掌跡猶存

鰲戴山

集疆使巨鰲十五舉首戴海東五山

鰲冠山

東海鰲冠蓬萊游滄溟垤蟻曰彼冠山何異我戴粒逍遙於封壤之巔伏乎窟穴也 符子

山為池

史元統二年八月京師地震雞鳴山崩陷為池方百里人死者甚眾

人化類

男化女

宋都城有賣青果男子孕而誕子蓐母不能收

易七人始免而逃

女化男

燕有女子化爲男燕主以問羣臣傅權對曰西漢之末雌雞化爲雄猶在王莽之禍況今女化爲男臣化爲君之兆也趙宋徽宗時有酒肆朱氏子其妻忽生髭其人可四十餘髭髯長僅六七寸疎秀甚美宛然一男子特詔度爲女道士人化龍

張公諱路斯爲宣城令夫人石氏生九子張公釣於焦氏臺歸則體常濕而寒夫人問故曰我龍也蓼人鄭祥遠亦龍也與我爭釣處寶殿明日當戰使九子助我我領絳綃鄭青綃明日射青綃中之九子皆化爲龍

神化龍

坡作碑云

士有謁京師龍母廟者見塑像美姿容悅之意謂他日居官安得良匹若是出將乘馬忽見蛇蟠于鞍方駭之乃轡也後獲美除至中道宿旅邸見舍後簾箔內處女往來須臾主人出款敘寒暄詢動履乃許以姻好遂諧伉儷之任所三載生二子有從婢擔水常棄後桶不食一日喚

婢入室忽雷電大至化爲二龍而去

鶴林玉露

三百廿

女化龍

扶風馬孺子戲郊亭上有奇女墮地光暉少年駭且悅之女怒曰故居鈞天帝言吾心侈大被謫七日當復故處至期化爲白龍而去

柳文

女化蠶

蜀有蠶女父被掠母誓曰得父者以女妻之馬驚躍而去數日父乘馬歸馬嘶鳴不已父曰人非彼類乃殺馬曝皮於庭皮捲女飛去旬日皮復棲桑上女化爲蠶食葉吐絲蜀人塑女爲祠

謂之馬頭娘以祈蠶

國經

女化蟬

董仲舒答問書曰齊王之后怨王而死尸化爲蟬登樹而鳴故蟬名齊女

女化蛇

臨川民家生一女甚慧黠年十三死瘞于流臺白塔之側有大菌生于塚上蒂長尺許狀如蓮衆神之稱曰佛女有一士人過之言于衆曰下必有怪物衆掘之剖棺見巨蟒在衣衾上不復有女子其母云孕此女時寢夢間屢見巨蟒來

觸幃帳呼燈視之寂無所有今方知是怪物也

人化鶴

遼東華表柱忽有鶴集其上曰有鳥有鳥丁令威去家千年今始歸城郭如故人民非何不學仙冢累累

仙化鶴

蘇耽煉丹投井中令人飲水食橘葉功成仙去後有白鶴止郡城東北樓人以弓丸彈之不少動乃以爪攫樓板似漆書云城郭是人民非三百甲子今來歸我是蘇仙君爾彈我何爲神仙傳

士化鶴

玄宗射中一鶴帶箭西南而逝益州青城山道士徐佐卿一日忽不懌謂其徒曰爲飛矢所中尋已無恙然箭非人間所有吾掛於壁後年箭主至則付之及帝幸蜀偶至觀覩箭取而翫之乃曩歲射鶴御箭也深異之神仙記

人化虎

唐李微以科業早登仕路自言嘗以私殺數人時無知者一日行抵襄陽旅舍忽暴病暮夜聞有人扣門呼其名熾熱陡作發爲狂疾走山谷

間不覺兩手挈地而步視左右股有班毛以手
捫面亦有毛矣是夜宿岩下次日渴甚乃飲于
溪見形乃虎矣遇人畜則皆搏而啗之一日御
史李儼奉使嶺表路經其處驛吏曰此去八九
里兩山之間小溪之曲有虎多傷物山後路迂
然無患也儼曰吾銜王命而避虎耶乃鞭馭而
行至溪曲虎忽躍出復返草中而人語曰幾傷
故人儼曰君非李微乎荅曰是矣儼乃下馬呼
與道疇昔場屋之事里閭舊故之情虎慚異類
但匿草中荅之云云語意甚悉及將敘別虎曰

吾爲詩一篇蓋欲表吾外雖異而中不異述吾
懷而攄吾憤也其詩曰偶因狂疾成殊類災患
相仍不可逃今日爪牙誰敢敵當時聲跡慢相
高我爲異物蓬茅下君獨乘輶氣勢豪此夕溪
山對明月不成長嘯但成嗥儼命吏錄之拜別
上馬而去百餘步上小山回視草中虎悲泣不
忍聞儼亦大慟後使輶乃由他道而歸

妻化猿

孫恪妻袁氏女育二子後挈家過端州袁欲遊
峽山寺云舊老門徒旣至若熟其路持碧玉環

獻僧有野猿數十聯臂而下袁惻然題云不如
逐伴歸山去長嘯一聲烟霧深擲筆爲猿而去
老僧方悟昔養猿高力士以束帛易之以碧玉
環隨猿頸而去

人化熊

左傳昔堯殛鯀于羽山其神化爲黃熊以入于
羽淵實爲夏郊三代祀之

人化石

初學記劉義慶幽明錄曰武昌北山上有望夫
石狀若人立古傳昔有真婦其夫從征役遠赴

國難携弱子餞送此山立望夫而化爲石因以
爲名

仙化羊

曹操出近郊慈賫酒一升脯一斤手自斟酌百
官醉飽操恠之使視諸壚悉皆亡酒脯操不平
欲殺之慈却入壁中不知所在或見於市捕之
市人皆變形與慈同後人逢之又逐之走入羊
羣操告之曰不復相殺試君術爾忽一老羝屈
前膝人立語曰遽如許卽競往赴之羣羊數百
皆變爲羝並屈膝人立曰遽如許遂莫知所取

童化雉

秦穆公時陳倉人掘地得物若羊非羊牽以獻諸公道逢二童子童曰此名爲媪云云媪復曰彼一童名爲陳寶得雌者霸舍媪逐童子童化爲雉飛入平林公大獵果得雉又化爲石置之汧渭之間文公爲立陳寶祠時流星集若雄雉列異傳

母化龜

江夏黃氏之母浴化而爲龜入于深淵後時出見簪猶在首後志

婦化驢

濟寧肥城縣張婆兒夫早喪與子張驢兒同活日則守筐績麻夜則變作白驢食人麥苗被麥主捉獲鎖項拽磨極其鞭撻旣放得歸呻吟而臥其子問之具以狀告後被人打死甚可怪也

人化豕

左傳齊侯游于姑棼遂田于具丘見大豕從者曰公子彭生也公怒曰彭生敢見豕人立而啼公懼墜于車傷足喪屨遇賊于門遂殺之云云

人化猿

抱朴子周穆王南征一軍盡化爲猿

人化魚

劉之奇夢二人姓李詣之乞命時有遺生鯉二頭乃放之其後又夢來謝之曰當令君延算

南史

增修甲子雅廣要卷第二十九

增修甲子雅廣要卷第二十九

氣化門

獸化類

虎化人

號州王城縣黑魚谷王用業燒炭於谷中有水方數步常見二黑魚長游於水上用伐木饑困遂宰食之其弟驚曰此魚乃谷中靈物兄柰何殺之有頃其妻餉之用運斤不已久乃轉面妻覺狀貌有異呼其弟視之忽祝衣號躍變爲虎焉徑入山時殺麀鹿夜擲于家如此二丘一日

抱朴子周穆王南征一軍盡化爲猿

人化魚

劉之奇夢二人姓李詣之乞命時有遺生鯉二頭乃放之其後又夢來謝之曰當令君延算

南史

增修甲子雅廣要卷第二十九

增修甲子雅廣要卷第二十九

氣化門

獸化類

虎化人

號州王城縣黑魚谷王用業燒炭於谷中有水方數步常見二黑魚長游於水上用伐木饑困遂宰食之其弟驚曰此魚乃谷中靈物兄柰何殺之有頃其妻餉之用運斤不已久乃轉面妻覺狀貌有異呼其弟視之忽祝衣號躍變爲虎焉徑入山時殺麀鹿夜擲于家如此二丘一日

昏暮叩門自名曰我王用也。弟應曰我兄變爲虎三年矣。何鬼假我兄姓名？又曰我往年殺黑魚冥官，謫爲虎，因傷人，又笞余一百，得復人身。汝視予無疑也。弟喜，遽開門，見一人頭猶是虎，因怖死。舉家叫呼奔避，竟爲村人格殺之。其妻屬驗其身，有黑痣，信王用也。但首未變爾。

猿化人

越王問范蠡手劍之術。蠡曰：臣聞趙有處女，國人稱之。王請問之，王乃請女。女將見王，道逢老人，稱曰：袁袁公問女曰：聞女善爲劍，願一觀之。

女曰：妾不敢隱也。惟公所試。公卽挽林杪之竹，似桔槔末，折墮地。女接取其末，袁公操其本而刺女。女因舉杖擊之，公卽飛上樹，化爲白猿。

豕化人

濟寧肥城楊氏有女，美姿容，善歌唱，手足俱豬形，不能行步。每用爪挾梳，縮髻，食飲不令人見。無與爲偶。其兄楊大郎，遂從生男及女。年八十餘，每客官至，隱而不出。百計求一始識，至元甲午方沒。

狐化男

燕昭王墓有老狐化男子聽張華講說抱朴云
狐壽八百歲至三百歲則化爲人矣又云狐夜
擊尾出火戴鬪髻拜北斗不墜則化爲人矣

猿化叟

王縉少在嵩陽有四叟携榼來訪其名曰木巢
南林大節孫文蔚石媚虬高談劇飲旣醉俱化
爲猿而去

虎化石

張侍郎守鄆虎害物公令吏執符追虎虎熟視
符啣符隨吏至府望公閉目蹲伏公數以罪撻

之約三日出境不然盡殺虎乃去死於其地化
爲石今呼爲石虎

禽化類

鶴化人

李衛公遊嵩山聞呻吟聲乃一病鶴曰我爲仙
爲樵者傷脚得人血則愈乃鶴拔眼睫曰持此
照之卽知矣李公自昧之乃馬頭也至浴所遇
皆非全人或犬彘驢馬之類惟老翁是人公以
告翁植臂出血公往濡在傷處鶴謝曰公卽爲
宰相後當上昇鶴乃冲天去

逸史

雞化人

晉宋處宗置一長鳴雞牕間後雞作人語與處宗談論極有玄致處宗因此功業大進

幽冥錄

雉化僧

僧養一雉甚馴狎每聆僧談則伏座下一夕不食而斃僧夢往生山下檀越家驗之其兒脇下尚有翟羽一莖

雉化人

後漢裴安祖見鷲鳥逐一雉觸樹死安祖護視之良久乃甦放之夜夢人着綉衣向裴拜謝之

史

鶉化人

蔡君謨嗜鶉雀炙夜夢鶉化爲褐衣人以詩遺之曰食君數粒粟充君美中肉一美斷數命下筋猶不足口腹須臾間禍福相倚伏勸君戒勿殺死生如轉轂君謨遂戒不食

雉化石

見童化雉

雌化雄

漢元帝靈帝時有鷄異

詳後妖物類

鵲化印

詳異感類

鴻化鈎

詳異感類

蟲化類

龍化僧

由灌陽軍遡牛溪而行百里溪益遠而山益峻及其源窮山峙地境幽絕人迹罕到邑士王趙等世居之一日有僧至其乞食食訖假寐于磨上駒駒有聲王出見龍蟠睡訝之既而求一袈裟地及展衣覆其處募工匠爲巨室遂陷爲池木葉入池卽有鳥啣而去之時以接骨方遺王氏至今成都禱雨則必命王氏至潭乞水則雨

隨至名其池曰滋茂

龍化姥

李靖射獵山中宿一朱衣家夜半扣門急一老姥謂靖曰此龍宮也天符命行雨二子皆不在欲奉煩何如命取驄馬一小瓶戒曰馬躩嘶鳴取水一滴馬鬃上此一滴乃地下一二尺慎無多也既而電掣雲間連下二十餘滴夜半平地水二尺

龍化婦

唐人柳毅下弟歸至涇陽見一婦牧羊曰妾洞

庭君小女嫁涇川次子爲婢所惑得罪舅姑毀
黜至此敢寄尺牘於洞庭之陰有大橘樹君擊
樹三當有應者毅如言見千門萬戶曰靈虛殿
一人取書進之君泣曰老夫之罪使孺弱罹害
言未畢有赤龍長萬丈擎天而去俄而祥風慶
雲幢節玲瓏紅妝千百中有一人卽寄書者乃
宴毅於碧雲宮辭去後再娶盧氏貌美曰予卽
洞庭君子涇上之辱君能救之茲奉閨房永以
爲好同歸洞庭莫知其迹

本傳

龍化叟

僧講經一叟來聽曰某山下龍也幸歲旱得聞
來此僧曰能救旱乎曰上帝封江湖有水不得
用僧曰此硯水可用乎乃吸水去是夕大雨悉
黑水

龜化人

宋元君夢人披髮曰予爲清江使者被漁者預
且得予元君召預且得五龜高五尺剝之以七
十二鑽而無遺策仲尼曰能夢於元君不能避
預且之網智能七十二鑽無遺策不能避剝腸
之患

莊子

蛇化人

南方多蛇精嘗化爲人以呼行旅姓名若顧應之夜必至棲邸傷人土人養蜈蚣於枕中臥覺有聲則起枕放之蜈蚣乃疾馳蛇所能以氣禁之遂啗其蛇腦

鮎化婦

李冲元嘗畜一鮎將烹之夜夢鮎化婦詣冲元曰妾腹中有子五千妾生五千子俱生妾死五千子俱死矣願原一命以活五千子命冲元覺而懼放之大江

蛇化劍

唐開元末靜江軍灘中雷公逐一黃蛇盤繞灘上視之得一銅劍其文曰許旌陽斬蛟第二劍

廣異記

互化類

魚化龍

三秦記大鯉魚登龍門化爲龍不登者點額而還

龍化魚

陸機積薪下獲涸鯉作鮓以餉張華華曰此龍

鮮也水噴之有五色光

張華傳

蛇化龍

李賀七歲韓愈皇甫湜過其家使賦詩援筆立就名曰高軒過其末云我令垂翅附冥鴻他日不羞蛇作龍

龍化蛇

續仙傳孫思邈嘗救一青蛇龍子也後爲龍王召至水府得龍宮藥方三千道作千金方三十卷俱非人世所有

鳩化鷹

鷹化鳩

爾雅鷹鷓鳩月令仲春鷹化爲鳩七月鳩化爲鷹格物論鷹鷲鳥金眼鈎觜鐵爪劔翮善攫搏廣志一歲爲黃鷹二歲爲執鷹三歲爲青鷹月令仲春之月鷹乃學習孟秋之月鷹乃祭鳥羽始行戮

記鷹化爲鳩然後設罽羅又草木疏鷲鷲後五日鷹化爲鳩

蛇化雉

晉武庫中蛇化雉

詳後野雉在庫